

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq
Medlem af Naalakkersuisut for Kultur, Uddannelse, Forskning og Kirke

Inatsisartunut ilaasortaq
Aleqa Hammond, Siumut



§ 36-apeqqummut nr. 2009-73 Ilisimatusarfimmi ilinniartut kollegiani inissanik amigateqarnerat pillugu

Inatsisartut malittarisassaas § 36 stk. 1 naapertorlugu 20. August 2009 Naalakkersuisunut makkuninnga apeqquaqarsimavutit:

Ilisimatusarfimmi ilinniartut kollegiani inissaqannginnertik pissutigalugu ilinniarnertik taamaatiinnartariaqarpaat, Namminersorlutik Oqartussat ajornartorsiut taanna qaangerniarlugu qanoq iliorpat?

Akissut: “Kollegieadministrationens Fælleskontor” (KAF), tassaavoq Nuummi namminersortut ingerlassaannik kollegianik aqutsisuusoq, naapertorlugit “*Nuummi kollegianik aqutsisoqarfimmi kollegianik agguassisarnermut inissiisarnermullu malittarisassaas*”. Malittarisassani allaqqavoq illoqarfinit allaneersut ilinniartut taamaallaat namminersorlutik oqartussat akuerisaannik ilinniarnermik ingerlatsigunik Nuummi kollegiani inissamik tunineqarsinnaasut.

Ilinniartut Nuummi najugaqartut (Nuummiut) innersuunneqartarput angerlarsimaffimmini najugaqarnissamik imaluunniit Sermersuup Kommuniata kollegiaataannut qinnuteqarnissamut. Namminersorlutik Oqartussat kollegiaataanni inissaqartillugu illoqarfinnillu allaneersut ilinniartut inissaqarnikkut pisariaqartitaat naammassi-neqarsimatillugit, taava Nuummiut inissaannik neqeroorfigineqarsinnaasarput, tamannalu annikinnerusumik pisarpoq. Imaassinnaavoq Ilisimatusarfimmi ilinniartut ataasiakkaat Sermersuup Kommuniani imaluunniit Namminersorlutik Oqartussat kollegiaataanni inissaqartinneqannginnertik pissutigalugu ilinniakkaminnik taamaatiinsiinnartariaqarsimasut.

Illoqarfinit allaneersunut ilinniartunut KAF-ip kollegiani inissaqartitsisarneranut aqutsineq pisariungaatsiartuuvoq piffissap sivikitsup ingerlanerani naammassiniarneqartartoq. Tamatumani suliami suleqatigiinneq pisariaqarpoq ilinniarfiit aamma KAF-ip akornanni, kommunit paaqqinnittarfiisa allaffeqarfiat, ilinniartut kommuni angerlarsimaffiat il.il. akornanni. Tassa taamaalilluni aqutsinermi pissutsit piffissalissutillu amerlasuut naammassiniaqqaarlugit ilinniartoq inissarsinnaasarpoq.

23-09-2009
Sags nr. 2009-020512
Dok.nr. 233155
Postboks 1029
3900 Nuuk
Tlf: +299 345000
Fax: +299 322073
Email: kiip@gh.gl

Amerlanerni taanna agguasarnermi suleriaaseq ingerlalluarterpoq, tassa ilinniar-toq ilinniakkaminik aallartitsivallaannginnermini kollegiami inissaminut nooreertarluni. Oqaatigineqassaaarli ilaanni suliamik ingerlatsineq kingusinaartarmat, tassa pif-fissaliissutaasoq arlallilluunniit qaangerneqarsinnaasarmata, taamaalillunilu ilinniar-toq ilinniakkaminik aallartitsinermi nalaani aatsaat kollegiami inissaminik tuni-neqartarluni. Imaassinnaavoq inissaqarniarneq qularnartoqartoq taanna nassata-qartarsimassasoq illoqarfinit allaneersut ilinniartut arlallit ilinniarniarnerminnik taa-maatitsinnartariaqarnerannut misigisimanermik.

Naalackersuisut taamatut pisoqarnera akuerineqarsinnaanngitsutut isigaat, taa-maattumillu aggustimi 2009-mi pilersippaat *Nuummi kollegianik aqutsineq ingerlat-sinerlu kiisalu nakkutilliineq pillugit* suleqatigiissitaq. Suleqatigiissitap siunertaraa Nuummi kollegianik aqutsineq, ingerlatsineq nakkutilliinerlu qanoq ajunnginnerpaa-mik ingerlanneqarsinnaanersut siunnersuutunik saqqummiussissalluni. Naatsorsuu-tigineqarpoq suliap inernerissagaa kollegiani inissanik agguasarneq pitsaanerulis-sasoq, kiisalu pissutsit pitsaanerulissasut soorlu aserfallatsaaliinerit aqqqissuisar-nerillu, eqqiaanerit, ineqartunik nakkutilliinerit, aqutsineq, kollegiat ingerlanneqar-nerannik nakkutilliinerit il.il eqqarsaatigalugit.

Suleqatigiissitap nalunaarusiani septembari 2009 naatinnagu Kulturimut, Ilinniarti-taanermut, Ilisimatusarfimmumut Ilageeqarnermullu Pisortaqarfimmumut tunniutissagaa naatsorsuutigineqarpoq. Tamatuma kingorna pisortaqarfiup pineqartup nalunaaru-siap innersuussutai sammissavai, anguniarlugu innersuussutit nukingertumik aal-lartinneqarnissaat.

Piffissaq eqqorlugu kollegiani inissamik tunniussisarneq pillugu ajornartor-siutaasumut pissutaaqataasut ilagaat ullumikkut Nuummi kollegiani inissat naam-mattuutinniarnarat ajornakusooramat, tassa pissutaalluni illoqarfinit allaneersut ilin-niartut amerliartormata: Atuarfitsialak, Ilimmarfiup pilersinneqarnera aamma Naa-lackersuisut anguniagaat "*Sektorprogram for den Ekstraordinære Uddannelsesind-sats*" nassataqarput inuusuttut ilinnialissallutik akuerineqarsinnaasut piukkunnas-suseqartut amerliartormata. Ineriartorneq nuannersoq tamanna Nuummi kollegiani inissaqarnermut ilungersunartitsivoq, tassa maaniimmata inuusuttunut ilinniarnit ilinniaqqiffiillu amerlasuut.

Taamaattumik Naalackersuisut 2010-2013-mi Nuummi kollegialiornissat arlallit pi-lersaarutigaat. 2010-mut Aningaasanut Inatsimmi Nuummi kollegialiornissamut aningaasaliinissat makku immikkoortinneqarsimapput:

FFL 2010	BO 2011	BO 2012	BO 2013
14,00	22,75	18,75	24,00

Tamaku sanaartornerit atorneqalerpata ukiut arlallit qaangiuppata Nuummi kolle-giani inissat 150-200-nik amerlissapput. Illoqarfinit allaneersut ilinniartut inissamik taamanikkumut pisariaqartitsinissaat soorunami maanna oqaatigineqarsinnaanng-ikkallarpoq. Taamaammata Naalackersuisut ataavartumik pisariaqartitsinerup ineri-

artomera nakkutigiuassavaat, eqqarsaatigalugu suli amerlanerusunik kollegialior-
nissaq.

Inussiarnersumik inuulluarit

Mimi Karlsen